

Colosenses

Colosa majarãre gojabeoñorã Pablo sã

¹⁻² Yũhũ Pablo Jesu yagũ mari acaweregũ Timoteo mera mũare Colosa majarãre gojabeoa gũa. Jesucristo ãgũ yare buhedoregũ ãgũ apidigũ ta ãhraa yũhũ. Goãmũ ãgũ gamero dopa ta Jesucristo yũre ãgũ yare buhebure apimi. Eropirã mũare gũa acawererãre Cristore umupeorãre gojabeoa. Eropirã mari Pagũ Goãmũ mera mũare õadoreã. Eropirã ãgũ mera õaro árĩque mũa.

Jesu yarãre Pablo serẽbasapũ Goãmũre

³⁻⁸ Mũa ya árĩburire Goãmũre serẽrã mucubiriri mera eropa serẽbasaniguicãa gũa. ãgũ mari Opũ Jesucristo Pagũ ãhrimi. Árĩpehrerinũri mũa umũsigue õaro árĩcũ iigucumi Cristopũ. ãgũ eropa iibu árĩcũ mũa mucubirimũhtarã waĩcũa. “Jesucristo diaye iigũ ãhrimi,” arĩ ãgũre umupeorã waĩcũa mũa. Eropirã ãgũ yarãre mahi waĩcũa mũa. Mũa eropa árĩrã árĩcũ Goãmũre “Õhaa,” arĩ mucubiriri mera serẽbasaa gũa. Árĩpehreroguere Jesu yarã diaye árĩri buherire õari buherire erã werecũ peerã masa õaripũre gohrotoma. Goãmũ yare masinemorã wahama. Õpa ta mũa sãre Epafra õari buherire weredi árĩmi. ãgũ gũa mera Cristore mohme coregũ ãhrimi. Iri mohmerire duhubeami ãgũ. Mũare

ĩḡu eropa werecũ peerã, mata Goãmũ yare õaro iiniguicãmurayoro mũa. Eropirã Goãmũ mũare mahirire diaye ta masirã mata õaro iiayoro mũa. Mũa eropa iirare ĩagũ Epafra weremi ḡuare. Espíritu Santo itamuri mera Jesu yarãre mũa mahirare weremi ĩḡu ḡuare. ĩḡu eropa arĩ werecũ peerã “Õhaa,” arãa ḡua Goãmũre.

⁹ Eropirã mũare ḡuñarã eropa Goãmũre serēbasaniguicãa. Goãmũ ĩḡu gamerire mũa masipehoboro dopa serēbasaa ḡua. ĩḡu yare õaro masirã mũa árĩboro sãre serēbasaa ḡua.

¹⁰ Õpa ta serēbasaa ḡua mari Opũ Cristo ĩḡu gamero dopa ta õaro mũa iiburire. Mũa eropa iicũ ĩagũ ĩḡu mũare suagucumi. Eropa ta mũa árĩpehrerire õarire mũa iiburire serēbasaa. Goãmũre mũa masinemoboro dopa serēbasaa.

¹¹ I sãre serēbasaa ḡua. Goãmũ ĩḡu õaro turari mera mũa õaro sĩporã turarã árĩboro sãre serēa. Eropa ta serēa ñero tariquererã mũa Goãmũ mera yujuro bojeboro dopa. Ñero tariquererã mũa eropa pepicãburire mũa mucubiriri mera eropa árĩniguiboro sãre serēbasaa daja ḡua.

¹² Goãmũ ĩḡu yarã árĩcũ marire iimi. Eropa iigũ ĩḡu orire mari opamorã mari árĩcũ sãre iimi ĩḡu. ĩḡu árĩroque õarogue mari árĩborore amutuhajami ĩḡu. ĩḡu eropa iicũ ĩarã mucubiriri mera mari Pagũre “Õhaa,” mũa arĩborore serēbasaa ḡua mũare.

¹³ ĩḡu ta marire peamegue wabonirãre taricũ iidi árĩmi. Iribojegue ñerire duhumasibiriribũ mari. Ñegũpũ marire doredi árĩnirimi. Eropigũ

Goãmupũ marire taudi árĩmi. Īgu magũ ĩgu mahigure opũ acugũ ĩgu dorero dopa marire árĩcũ ĩmi.

¹⁴ Īgu magũ mera marire peamegue wabonirãre taudi árĩmi Goãmũ. Īgu magũ ĩgu sĩrirañe mera mari ñeri iirare cãdijidi árĩmi Goãmũ.

Masa Goãmũre gamebircũ ĩha Cristo amupũ, arĩ gojañumi Pablo

¹⁵ Goãmũre mari Pagũre ĩaya mara. Cristo ĩgu magũ ĩgu Pagũ ĩgu árĩricũre ĩhmudigu árĩmi masare. Īgu ĩgu magũ árĩpehrerã core, árĩpehreri core árĩtuhadigu árĩmi. Eropigu tauro opũ ãhrimi ĩgu.

¹⁶ Goãmũ ĩgu dorecũ ĩgupũ ĩgu Pagũ mera árĩpehrerire ĩhacũnuguñumi. Ʋmũsigue árĩre i yebague árĩri sãre ĩhacũnuguñumi. Mari ĩarire mari ĩabiriri sãre ĩhacũnuguñumi. I yeba majarãre, Ʋmũsi majarã oparãre, árĩpehrero dorerãre, mari ĩarãre, mari ĩabirã sãre, árĩpehrerãre ĩhacũnuguñumi. Īgu árĩpehrerire, árĩpehrerãre ĩhacũnuguñumi. Eropirã árĩpehrerã ĩgu iinirã ãhrima. Árĩpehrerigue ta ĩgu iira ãhraa.

¹⁷ Árĩpehrerã core árĩpehreri core Cristo árĩmũhtañumi. Eropiro ĩgu turari mera árĩpehrerã dohpaguere árĩrã iima. Árĩpehreri sã árĩro iiaa.

¹⁸ Mari ĩgu yarã árĩpehrerã ĩgu ya curu majarã árĩrã ĩgu dupũ waĩcũa. Eropigu ĩgupũ mari dipuru ãhrimi. Īgu sĩrigũ masa

mariamuh̄tadigu árĩmi árĩpehreri weca árĩpehrerã weca árĩbu.

¹⁹ Cristo mari Pagu Goãmu mera yuju dupu ta árĩro dopa ta ãhrimi. Igu eropa árĩcũ ta gamepu mari Pagupu.

²⁰ Árĩpehrerã masa erã igure gamebirimuricũ iagu erã igu mera amubure Cristore obeoru. Iguere eropa obeogu igu Cristo crusague sĩri Igu di cóara mera amupu. Eropigu umusi majarãre, i yeba majarã sare igu mera ôaro árĩcũ iipu. Umusi maja i yeba árĩri sã ôaro árĩcũ iipu. Eropigu igu guñadiro dopa iipu.

²¹ Mua sare eropa ta igu mera ôaro árĩcũ iidi árĩmi. Mua sã ñerire iiniginirã Goãmure boje majarã árĩrã mua pepiri mera igure gamebirinirã árĩmuriribu.

²² Mua eropa árĩnirãre Cristo sĩriro mera igu Pagure mua igu mera ôaro wacũ iipu igu. Eropa iipu igu mua igu yarã ôarã ñeri marirã, dipuwaja marirã mua árĩboro dopa. Mua eropa árĩcũ igu árĩroguere mua árĩborore eropa iipu.

²³ Eropa ta iigucumi igu mua igure duhuro mariro umupeoturanigicãcũ. Mua ôari buherire mua Goãmura mera árĩniguiBORORE mua cãdijibiricũ, igu mera mua árĩcũ iigucumi mure. Iri mua peera buherire ôari buherire árĩpehrerã i yeba majarã peenirã árĩma. Eropigu yuhu Pablo sã iri ôari buherire weregu ta ãhraa.

Jesu yarãre itamubure apipu Goãmura Pablore

²⁴ Cristo mari igu yarã árĩborore crusague sĩrigu ñero taripu. Eropigu yu sã mua igu yarã

árĩburire ñero tarigũ mucubiria. Eropa ñero tarigũ Cristo marire ĩgũ apirare ii ojogorocũgũ iiaa. Eropigũ mucubiria. Cristo yare mari iira dipuwaja mari ñero tarinemoboro duhyania dohpa. Eropigũ ĩgũre mũa guñaturaborore ñero tari mucubiria yũhũ. ĩgũ dũpũ iro dopa árĩrã ĩgũ ya curu majarã áhraa mũa.

²⁵ Jesu yarãre itamubure apimi Goãmũ yũre. Mũa ya árĩburire iibure yũre apimi ĩgũ. ĩgũ yare mũare werepehobure apimi ĩgũ yũre.

²⁶ Iri ĩgũ yare iribojegure baja cururi majarãre erã masipehocũ iibirimũriñumi mari Pagũ. Dohpaguere dohpague majarãre ĩgũ yarãre irire õaro masipehocũ iimi pare.

²⁷ Eropigũ “Judio masa árĩbirã sãre yaha buheri õataria,” arĩ ĩgũ yarãre irire weremi. Iribojegue erã masibirirare weremi Goãmũ. Õpa áhraa dohpaguere ĩgũ werera: Cristo ĩgũ yarã mera áhrimi. ĩgũ eropa árĩcũ ĩgũ yarã umũsiguere õatariaroguere árĩrãcoma. Iri áhraa iribojegue erã masibirira mari Pagũ ya.

²⁸ Cristore ta werea. Árĩpehrerãre gũisãgũ erãre werea yũhũ. Õaro masiri mera buhea yũhũ õaro Cristore masare masicũ iibu. Eropa buhea yũhũ erã ĩgũ yare õaro iirã erã árĩcũ iibu.

²⁹ Iri ta áhraa yũ mohmeri. Jesucristo ĩgũ ya turari mera yũre ĩgũ ora turari mera turaro mohmea yũhũ ĩgũ yare buhegũ.

2

¹ Ire mũa masicũ gahmea. Mũa ya árĩburire, Laodicea majarã ya árĩburire, árĩpehrerã ya

árĩburire turaro mohmea yũhũ. Árĩpehrerã masa yũre ĩabirã ya árĩburi sãre turaro mohmea yũhũ.

² Ōpa ta mohmea yũhũ mũa árĩpehrerã ðaro sĩporãcũborore. Mũa mera majarãre mũa yujuro mera game umupeoburi sãre eropa mohmea yũhũ. Iribojegue majarãre Goãmũ werebirira Cristore masicũ iiri ãhraa. Ĩgu yare masirã Cristore umupeoa mũa. Mũa ĩgũre ðaro masiborore mũa ĩgu mera ðaro árĩborore bũrigã itamua yũhũ mũare.

³ Cristo dihta masipehocãmi gajirã masibirirare. Ĩgu árĩpehrerire ðaro masigu ãhrimi. Ĩgu masiri ðatariaro ãhraa.

⁴ Irire werea mũare gajirã mũare peesũari wereniguri mera gũyari arĩgu.

⁵ Yũhũ mũa watope árĩbiriqeregũ yũ guñari mera mũa watope arĩgu dopa ãhraa. Eroque árĩbiriqeregũ Cristore mũa ðaro umupeoniguirare mũa ðaro iirare peegũ mucubiria yũhũ.

⁶ Eropirã mari Opũ Jesucristore opamorã ĩgũre mũa umupeonũgadiro dopa ta umupeonigucãque. “Eropa ta yũre itamugũcumĩ,” arĩrã mũuri nũcũ ĩgu mera ðaro arĩnigucãque.

⁷ ĩgũre ðaro masirã arĩque mũa. Eropirã mũuri nũcũ ĩgũre masinemoque gajirã erã ero core mũare erã buhediro dopa ta. Eropirã Cristore mucubirã “Ōhaa,” arĩnigucãrã arĩque mũa.

Cristo yarã arĩrã ðaripũre gohrotoa mari, arĩ gojañumi Pablo

8-10 Õaro pee masique mũa. Masa erã gamero erã buherire erã gũyarire peebiricãque. Erã iribojegue majarã árĩricũrare buhema. Masa erã pepiro dopa pepirã árĩrã i doreri dihta buhema. Cristo yapũre buhebeama. Cristo mari Pagũ árĩro dopa ta árĩgũ Goãmũ gohra ta ãhrimi. Eropigũ Jesucristo Goãmũ árĩgũ i yebague masa dehyoadigũ Goãmũ ta árĩmi. Eropirã ĩgũ yarã árĩrã Goãmũ mera õaro árĩniguia mari. ĩgũ ta árĩpehrerã deyobirã oparã tauro opũ árĩgũ ãhrimi. Ʋmũsi majarãre i yeba majarãre árĩpehrero majarãre doremi. Eropirã gũyari buherãre peebiricãque.

11 Eropirã Cristo yarã árĩrã circuncisiónre iinirã gasiro merogã wiri añirã iro dopa árĩrã ãhraa mũa. Masa erã dupũre merogã gasirogãre erã wiri cóãro árĩbiriya. Mũa pepiripũre Cristopũ mũa ñeri Ʋaribejarire cóãmi.

12 ĩgũ yarã árĩra pũhrũ waĩyesũnirã árĩnirã árĩbũ mũa. Eropa waĩyesũnirã árĩrã õpa ĩhmurã iinirã árĩbũ mũa: Iribojegue mũa ñero iirare duhurare ĩhmurã iibũ mũa. Jesucristo sĩridigũ mera mũa Ʋaribejarare cóãnirã árĩbũ mũa. Eropirã Jesucristo sĩridigũ masa mũriara mera õaripũre gohrotonirã árĩbũ mũa. ĩgũ Goãmũpũ Cristore masudigũ árĩmi. “Ĩgũ turagũ ãhrimi,” arĩrã ĩgũre umupeorã árĩrã õaripũre gohrotonirã árĩbũ mũa.

13 Iribojegue mũa ñerã árĩra dipuwaja peamegue wabonirã árĩriyoro mũa. Eropa wabonirã árĩriyoro mũa Goãmũ yarã árĩbirã. ĩgũ dorerire opabirã árĩriyoro mũa. Dohpaguere

mari Pagu marire İgu mera eropa ðaro árĩniguimorã iimi. Cristo İgu sĩridiro mera eropa iimi İgu marire. Eropa iigu mari árĩpehreri ñeri iirare cãdijicãdi árĩmi İgu.

14 Goãmı İgu dorerire gojarare mari tarinuganirã mari árĩquerecũ ta İgu marire dipuwajacudorebeamı. Cristo crusague İgu sĩridiro mera Goãmıı mari ñeri dipuwajare cãdijipehocãdi árĩmi.

15 İgu Cristo crusague sĩricũ watẽa ya dorerapure Goãmııı tarinugacãıı. Eropirã bu árĩrã dujacãnorã erã watẽapı. Eropa iigu erãre guhyasıuro wacũ iıı erã İhuro.

Umısi majare Goãmı yare gameque, arĩ go-jañumi Pablo

16 Eropirã gajirã erã dorerire dorediaricoma mıare. “Mıare irire barã, irire ihrirã ñerire iirã iiaa mıa,” arĩ werewıama mıare. Erã eropa arĩ werewıacũ eropa İacãque erãre. Bojori nıı árĩrinıri, aberi nıı árĩrinıri, semanari nıı árĩrinıri, bosenıri mıa iidiabiricũ werewıama. Erã eropa werewıacũ eropa pepicãque erãre.

17 Erã mıare doreri iribojegue Goãmı apira doreri Jesucristo mari ñeri iira dipuwaja sĩriburire İhmumıhtarañe árĩyoro. Dohpaguere Cristo arĩmi marire. Eropirã İgure umupeorã iri doreripure umupeobea pare.

18 Erã dorerire iidorerã mıare dipuwajacurã dujacũ iidiama erã. Erã eropiicũ eropa İacãque erãre. “Gajiropa dehyoarire İabı gu,” arĩmaacãrã erã anyuare umupeorima Goãmıre umupeoboro dopa. Erã eropa pepicãrã iro

dopa iirima. Gajirã masa iro dopa erã ñeri ùaribejarire pepirima erã. Eropa pepirã árĩrã “Masipehocãa gua,” arĩ pepirima erã.

¹⁹ Eropa iirã árĩrã Cristopure umupeobeama. Cristo dihta ìgu yarãre doregu àhrimi. Cristopu mari ìgu yarã dipuru àhrimi. Ìgu yarãpu ìgu ya curu majarã árĩrã ìgu dupu waĩcua. Mari dipuru mari dupure gamesuriro dopa ta àhrimi Jesu-cristo ìgu yarãre. Ìgu yarãre itamugu marire ìgure umupeonemocũ iimi. Goãmũ gamero dopa ta ìgu yarãre ìgure masinemocũ iimi.

²⁰ Marire ñero iira dipuwajacunirãre Cristo taudigu árĩmi crusague s̃rigu. Eropirã Cristore umupeorã ìgu yarã àhraa. Mua eropa árĩrã i yeba maja buherire anyuare umupeori buherire gamebiro gahmea mũare. ¿Duhpirã gajino buherã erã dorerire iidiari mũa?

²¹ Òpa arĩ dorema erã basi erã gamero: “Irinore babiricãque. Irinore p̃hrebiricãque,” arĩma. ¿Erã eropa arĩdorecũ duhpirã yuhriri mũa?

²² Erã doreriñe bari iro dopa ta pehrea waroca. Erã doreriñe i mũmũ maja dihta àhraa. Masa erã s̃aro erã buheri dihta àhraa i buheri. Eropiro duhpihuri árĩbeaa.

²³ Erã dorerire iirã Goãmure umupeorã iro dopa árĩrima. Eropirã eropa pepicãrã iro dopa ii ìhmuma. Erã dupure ñero taricũ iirã “Goãmure umupeorã iiaa,” arĩrima. Erã eropa iirã erã doreripu masipehorã ya doreri iro dopa iirima. Eropa árĩbeaa. Erã dorerire iiquererã erã ñeri ùaribejarire duhubeama. Eropiro erã doreripu duhpihuri árĩbeaa.

3

¹ Eropirã Cristo yarã ãhraa mũa. Eropirã mũa ero core mũa ñeri iirare duhunijarã õaripure gohrotonirã ãhraa mũa. Eropa gohrotorã árĩrã umusi majare Cristo yare gameque mũa. Eroque Cristo ãgũ Pagũ diayerũ doagũ árĩpehorerore doregũ ãhrimi.

²⁻³ Mũa ãaribejari cóãnirã árĩrã Cristo gamerire opaa. ãgũ Cristo mũa õaro iiborore õaro ãhadibumi. Eropirã iri ñerire guñabeaa mũa. Eropirã umusi majare Goãmũ yare guñamũhtaque. I yeba majare guñaniguibiricãque.

⁴ Eropirã umusigue Cristo marire eropa árĩniguimorãre aĩgũ ãgũ aricũ ãgũ mera warãca. Eropa warã ãgũ mera umusigue Goãmũ yare oparãca.

Cristo yarã árĩbirã ñerire iiribũ mari, arĩ gojañumi Pablo

⁵ Eropi i yeba maja ñerire duhcãque. Ne yujugũ mojoto diribiriqueregũ nomeo mera árĩbiricãque. Ne yujugo mojoto diribiriquerego umũ mera árĩbiricãque. Eropa ñeri mũa iirire iripẽta duhcãque. Ñeri ãaribejarire iibiricãque. Mũa opaburire gajinore gametaribiricãque. Mari gajinore bũrigã gamerã goãmarã wéanirãre erã umupeoro dopa iirã iiaa mari irire.

⁶ Iri ñerire iirã Goãmũre tarinũgarã ãhrima. Erã eropa árĩcũ ãagũ ãgũpũ erãre gamebeamĩ. Eropigũ erãre bũrigã dipuwaja moagũcumi.

7 Iribojeguere m̄ap̄u iri ñerire iinirã mera majarã árĩriya m̄ua.

8 Dohpaguere i ñerire duhupehrecãque m̄ua. Guarire, disitĩri wiarire, gajirãre ñero arĩ pepirire, gajirãre ñero quere wereniguirire, ñero wereniguirire iri árĩpeherrerire duhucãque.

9-10 M̄ap̄u Jesu yarã warã ñerã m̄ua árĩdiro dopa ta iri ñeri ñaribejarire duhutuhajanirã árĩb̄u. Eropirã õarip̄ure gohrotonirã ãhraa m̄ua. M̄uare õarip̄ure gamecũ iigu iimi Goãm̄u. Ìgu árĩro dopa m̄ua árĩboro dopa eropa iimi. Eropa ta iimi Ìgu m̄ua Ìgure õaro masiboro dopa. Eropirã Ìgu eropiicũ m̄ua mera majarãre ḡuyabiricãque.

11 Cristo yarã m̄ua árĩrã judio masa, judio masa árĩbirã sã yujuropa dihta ãhraa m̄ua Goãm̄u Ìgu Ìacũ. Gasiro merogã wiri añinirã, irire aĩbirinirã sã Cristo yarã árĩrã yujuropa ãhraa Goãm̄u Ìgu Ìacũ. Gaji yeba majarã sã, masibirã sã, m̄ua ya yeba majarã sã Cristo yarã árĩrã yujuropa ãhraa Goãm̄u Ìgu Ìacũ. Pohro majarã, erã pohro majarã árĩbirã sã, Cristo yarã árĩrã yujuropa ta ãhrima Goãm̄u Ìgu Ìacũ. Jesucristo tamera árĩpeherrerã Ìgu yarã mera ãhrimi. Ìgu yarã erã Ìacũ bu árĩgu árĩbeami Ìgu.

12-13 Eropi Goãm̄u Ìgu beyenirã, õarã, Ìgu mahirã árĩrã õpa árĩque m̄ua: Gajirãre m̄ojomoro Ìarã, gajirãre õaro iirã árĩro gahmea. M̄uare ñero iiquerecũ ta eropa pepicãrã árĩro gahmea m̄uare. M̄ua mera majarã mera guarã, erãre quere iirã árĩbiricãro gahmea m̄uare. Eropirã “Yũhũ bu árĩgu ãhraa,” arĩ pepique.

Mari Opu mua ñeri iirare cãdijimi. Ìgu eropa cãdijidiro dopa ta mua sã mua mera majarã erã ñero iirare cãdijique.

¹⁴ I doreri tauro òpa arĩ dorea mware: Gajirãre mahi umupeoque. Mua eropa iirã arĩpehrerã gajirã mera yujuro mera arĩrãca.

¹⁵ Cristo marire òaro arĩcũ iimi gajinore mari wereniguibiriboro dopa. Ìgu eropa iicũ òaro arĩque mua. Mari ìgu yarã yuju curu ta ãhraa. Mari eropa arĩrãre mari Pagu marire òaro arĩmorãre ta apimi. Ìgu eropa iicũ òaro arĩque mua mua basi. Eropirã Goãmure “Õhaa,” arĩ mucubirirã arĩque mua Goãmura mera.

¹⁶ Cristo ya buherire òaro guñaniguicãque mua. Òaro pee masiri mera ìgu yare gajirãre buheque. Guhyadiaro irire wereque. Eropirã Salmo gojaripũre, Goãmura yare bayarire, gaji ìgure umupeori bayarire ìgure bayapeoque. Òaro guña umupeori mera bayapeoque. Eropa bayarã ìgu yare òaro guñaque mua. Eropirã Goãmure “Õhaa,” arĩ mucubirirã arĩque mua Goãmura mera.

¹⁷ Arĩpehreri mua iirire òaro sĩporãcu iique mari Opu Jesu ìgu mucubiriboro dopa. Mua wereniguirã ìgu ya arĩburi dihtare werenigu-ique. Eropirã Cristo ìgu itamuri mera Goãmura mari Pagure sererã “Õhaa,” arĩ mucubirique ìgure.

Jesu yarãre yujuro mera arĩburi doreri òpa ãhraa, arĩ gojañumi Pablo

18 Mũa marapucurã nome, mũa marapũ sumarãre ãaro yũhrique. Eropa ta iiro gahmea mari Opũ yarã Cristo yarã nome árĩrã.

19 Mũa marapocurã, mũa marasã nomere mahi umupeoque. Igore turibiricãque.

20 Mũa erã porã sã mũa pagũ sumarãre tarinũgabirã dihta árĩque. Mũa eropa iicũ ãagu mari Opũ ãaro sũagu árĩgucumi.

21 Mũa erã pagũ sumarã sã mũa porãre eropa turiniguibiricãque bũjawerecũ iiri arĩrã.

22 Mũa pohro majarã, mũa oparãre i yeba árĩrãre eropa yũhrirã árĩque. Erã ãhurore erã dorero dopa ta mohmeque. Erã maricũ sãre mohmeque. Mari Opũre Cristore gũhyadiaro mũa ãadiro dopa ta ãaro mera yũhrique mũa oparã sãre.

23 Diaye ta Cristo yarã árĩrã ãaro yũhrirã ãhraa mũa ãgũre. Eropirã mũa oparãre õ majarã sãre yũhrirã, Cristore mũa yũhriro dopa ta yũhrique mũa. Eropirã mũa oparã erã dorero dopa ta turaro mera mohmeque “Cristo ya doreri ãhraa,” arĩrã.

24 Mũa eropa iicũ Cristo mũare wajayegucumi. Mũare ãgu oburire mũare ogucumi mari Opũ. Irire masia mũa. Mari Opũ Cristo ãgu pohro majarã ãhraa mũa. Eropigũ ãgũpũ mũa Opũ gohra ãhrimi.

25 ãgũre tarinũgarãre dipuwaja moagucumi mari Opũpũ. Árĩpehrerã tarinũgarãre ne yu-jugũ dũhyaro mariro yujuro mera dipuwaja moagucumi ãgu. Eropa yũre iiri arĩrã ãaro yũhrique mũa.

4

¹ Mũa oparãpũ, mũa pohro majarãre diaye ta õaro iique erãre. Mũa sã opũ opaa. Mũa opũpũ Ʃmũsi majagũ Goãmũ àhrimi.

² Mũa árĩpehrerã Ʃmũri nũcũ Goãmũre serẽniguique. Õaro guña pee masi serẽniguique. Eropirã mari Pagũ õaro iirare guñaque.

³⁻⁴ Gũa ya árĩburipũre serẽque daja. Cristo yare iribojegue majarã erã masibirare buherã iiaa gũa. Masare gũa õaro buheboro dopa serẽbasaque mari Pagũre. Yũhũ Goãmũ yare wereniguiiri waja dohpaguere peresugue àhraa. Eropigũ mũa eropa serẽcũ gahmea ãgũ yare yũ õaro iiboro dopa. Cristo ãgũ dorediro dopa ta yũ wereburire serẽque.

⁵ Jesu yarã árĩbirã mera árĩrã õaro iique mũa. Cristo yare wereque erãre. Erã mera mũa árĩropẽ ta eropa ta õaro iique erã Jesu yarã árĩboro dopa.

⁶ Gajirã mera weretamurã õaro sũaro mera weretamuque. Õari dihtare wereniguique. Mũa eropiirã gajirã erã Jesucristo yare mũare serẽpicũ õaro masiri mera yũhrirãca erãre.

Õadoretupũ Pablo

⁷ Tíquico mari acaweregũ Jesu yagũ àhrimi. ãgũ yũ árĩricũrire mũare weregũcumi. ãgũ mari mahigũ àhrimi. Cristo yare buhegũ, gũa mera mohmegũ àhrimi. Ne iri mohmerire duhubeami ãgũ.

⁸ Mũa pohrogue ãgũre obeogũ iiaa yũhũ gũa ářĩricũre mũa masiboro dopa. ãgũre obeogũ iiaa yũhũ mũare mucubiricũ iibure.

⁹ Onésimo mari acaweregũ mera wapimoa obeogũ iiaa. ãgũ sã Cristo yare ne duhubeami. Mũa mera majagũ ãhřimi. Erã perã yũ dohpa tarirare wererãcoma mũare.

¹⁰ Aristarco peresugue ářĩgũ yũ mera majagũ mũare õadoremi. Marco sã õadoremi. ãgũ Bernabé pagũ magũ ãhřimi. Mũa pohrogue ãgũ ejacũ õaro mera ãgũre bocatĩrique yũ mũare werebeodiro dopa ta.

¹¹ Jesu waĩcũgũ “Justo,” erã arĩ piyugũ õadoremi ãgũ sã. Oã ta yũ mera mohmerã judio masa gohra ãhřima. Judio masa gohra erã dihta Goãmũ yare yũ mera buhema. Őpa buhea gũa Goãmũ yarã masa waboro dopa. “Jesucristo yũ Opũ ãhřimi,” erã arĩboro dopa buhea gũa. Erã yũre õaro itamunirã ãhřima.

¹² Epafra mũa mera ářĩdigũ mũare õadoremi. ãgũ Jesucristo dorerire õaro iigũ ãhřimi. Goãmũre serẽgũ, turaro mũa ya ářĩburire serẽbasaniguicãmi ãgũ. Goãmũre õaro guñaturaniguimorãre, ãgũ gamero dopa iimorã mũa ářĩboro dopa eropa Goãmũre serẽbasaniguicãmi ãgũ.

¹³ ãgũ mũa ya ářĩburire turaro serẽbasami. Laodicea majarã ya ářĩburire, Hierapoli majarã ya ářĩburi sãre ãgũ turaro serẽbasami. ãgũ eropa iigũ ářĩcũ ãagũ mũare weregũ iiaa.

¹⁴ Duhturu Luca waĩcũgũ mari mahigũ mũare õadoremi. Dema sã õadoremi.

15 Õaporo mari acawererã Laodicea majarã. Ninfa sã õaporo. Jesu yarã igo pohro gamenererã sã õaporo.

16 Ipũre yu gojabeorapũre buhetuha Laodicea majarã sare obeoque. Eropirã erãre Laodicea majarãre yu gojabeorapũre mua sã buheque.

17 Eropirã õpa arĩque Arquipore: “Mari Opũ Jesu yagu mu arĩcũ igu mohmerire apidi arĩmi mre. Igu eropa apicũ iri mohmerire õaro mohme ojogorocũque mũhũ,” arĩque igure.

18 Yũhũ Pablo, yu mojoto mera ire gojaa. Mũare õadorea yũhũ. Peresugue yu arĩrire guña serẽbasaque Goãmure. Õaro arĩque mua. Goãmũ igu mahiri mera mũare õadorea. Iripẽta ãhraa.

Desano

Desano: Goñmu Yare Wereripu New Testament

copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2025-05-01

PDF generated using Haiola and XeLaTeX on 30 Apr 2025 from source files dated 1 May 2025

17771afc-c309-57fd-9ff3-2d5a0cd59ff1